

卷
肆
拾
玖

第
四
本

新
增
全
圖
足
本
醫
宗
金
鑑

海
上

局
書
新
啟
行
發



御纂醫宗金鑑卷三十九

編輯雜病心法要訣

中風總括

風從外中傷肢體痰火內發病心官體傷不仁與不用心病神昏不語言當分
中絡經府藏更審虛實寒熱痰脫證撒手爲脾絕開口眼合是心肝遺尿腎絕
鼾聲肺閉證握固緊牙關初以通關先取嚏痰壅不下吐爲先〔註〕風謂虛邪
賊風從外而中傷人四肢軀體故名曰中風痰火謂痰火從內而發病人心主
之官故名曰痰火體中風邪輕則頑麻不仁重則癱瘓不用心病痰火輕則舌
強難語重則痰壅神昏此證或內或外單病輕兼病重當細辨其中絡中經中
府中藏及中經絡兼中府藏併細審其兼虛兼實兼寒兼熱兼痰與夫脫證閉
證之淺深緩急而治之凡初中宜先用通關散取嚏有嚏可治無嚏多死口噤
者用開關散擦牙軟之痰涎壅盛用諸吐法涌之若口噤不開湯藥不能下咽
者則將應服之藥隨引調如麵茶含在不病人口內用筆管或筆管插入病人
鼻孔使氣連藥吹之其藥自能入咽不可用金器撬之恐傷齒也〔按〕中風一
證分中血脈中府中藏始自李東垣中血脈者大秦芄湯中府者小續命湯中

藏者三化湯然從未見有三化湯中藏之證惟金匱書中
分爲四證曰絡曰經曰府曰藏其說最爲的當可爲後世法蓋口眼喎斜肌膚
不仁邪在絡也左右不遂筋骨不用邪在經也昏不識人便溺阻隔邪在府也
神昏不語唇緩涎出邪在藏也學者細閱諸家之論自知不謬云爾

中風死候

寸口脈平卒中死生氣獨絕暴脫之五藏幾息呼吸泯譬如墮溺豈能期脈來
一息七八至不大不小尚能醫大小浮沉晝夜死脈絕不至死何疑脫證並見
皆死候搖頭上竄氣長噓喘汗如油痰拽鋸肉脫筋痛髮枯直〔註〕寸口脈平
謂寸關尺脈俱平之人忽然卒中而死者皆因中邪太甚閉塞九竅天真之氣
不能與人之生氣相通則獨絕於內也譬如墮跌溺水豈能預期其死耶脈來
一息七八至者不大不小雖困可治若大而無倫小而如纖浮主晝死沉主夜
死不可治也五藏脫證若三藏四藏並見及搖頭上竄等證皆死候也

通關散 開關散 熏鼻法 解語法

通關星皂細荷半開關烏梅冰片南巴油紙皂煙熏鼻龜尿舌下點難言〔註〕
通關散南星皂角細辛薄荷生半夏爲末吹鼻有嚏可治開關散烏梅肉冰片

生南星爲末擦牙其噤可開巴豆油紙捲皂角末燒煙熏入鼻內人事自省取
龜尿點在舌下言語自易

三聖散 瓜蒂散 全蠍散 五元散 巴礬丸

無汗吐宜防藜蒂有汗瓜蒂入蠍全重劑藜豆礬皂膽痰壅吐以巴礬丸
痰涎壅盛無汗表實用三聖散卽防風藜蘆瓜蒂吐之有汗裏實用瓜蒂散卽
瓜蒂赤小豆或用全蠍散卽瓜蒂散加全蠍吐之此皆吐之輕劑也甚則用五
元散乃藜蘆赤小豆白礬皂角礬巴礬丸卽巴豆枯白礬吐之

烏藥順氣散

烏藥順氣實中絡喎斜頑麻風注疼麻黃枳桔烏蠶共白芷乾薑陳草芍
實中絡謂風邪中絡之人形氣實者也喎斜口眼歪斜也頑麻肌膚麻木也風
注痛風氣攻注骨節疼也是方麻黃枳殼桔梗烏藥僵蠶白芷陳皮乾薑甘草
川芎也

大秦芄湯

大秦芄湯虛中絡喎斜偏廢減參珍秦芄生地石膏共羌獨防芷細辛芩
虛中絡謂風邪中絡之人形氣虛者也偏廢謂半身不遂也減參珍謂八珍湯

減去人參加入秦艽生地石膏羌活獨活白芷防風細辛黃芩也漏廢是中經之證而亦可治之者以此方能養血榮筋爲久病風人調理之劑

換骨丹

中經氣實宜換骨喝斜癱瘓芷芎防冰麝珠香槐苦味仙人麻首蔓蒼桑註
中經氣實爲風邪中經之人形氣實也癱左不用也瘓右不用也換骨丹白芷
川芎防風冰片麝香硃砂木香槐角苦參五味子威靈仙人參麻黃膏何首烏
蔓荊子蒼朮桑皮也麻黃膏者以麻黃熬成膏和煎藥爲丸硃砂滾衣也

小續命湯

小續命湯虛經絡八風五痺總能全麻杏桂芍通榮衛參草歸芎氣血宣風淫
防風淫淫已黃芩熱淫附子寒春夏石膏知母入秋冬桂附倍加添註虛經
絡謂風邪中經中絡之人形氣虛也八風謂八方之邪風中人爲病也五痺詳
見痺門要訣中

黃耆五物湯

黃耆五物虛經絡偏廢虛風無力癱心清語蹇因古軟舌強神濁是火痰補衛
黃耆起不用益榮芍桂棗薑煎左加當歸下牛膝筋爪骨虎附經添註黃耆

五物湯治因虛召風中人經絡而病半身不遂者然審其人若舌強難言神氣不清則是痰火爲病不宜此方若心清語蹇舌軟無力難言者乃是榮衛不足之病宜用此方經曰衛虛則不用榮虛則不仁此方君黃耆而補衛以起不用臣桂枝白芍而益榮以治不仁佐生薑大棗以和榮衛也不仁不用在右者屬氣宜倍加黃耆在左者屬血則加當歸在下兩腿兩膝軟者則加牛膝骨軟不能久立者則加虎骨筋軟難於屈伸者則加木瓜周身或左或右經絡不宣通者則加炮附子有寒者亦加之此方屢試屢效者其功力專於補外所以不用人參補內甘草補中也

三化湯 搜風順氣丸

三化氣實風中府昏冒閉滿小承羌形氣俱虛及風燥搜風順氣自然康

〔註〕

氣實風中府謂風邪中府之人形氣實也昏冒謂神昏不知人也閉滿謂二便阻隔腹滿脹也小承羌謂小承氣湯厚朴枳實大黃加羌活卽三化湯也若其人形氣俱虛則當以搜風順氣丸緩緩治之自然康也久病風之人大便多結燥謂之風燥或用續命湯汗過三化湯下過津液枯乾以致結燥凡病不論中經絡藏府但有二便阻隔形氣不足難堪攻下者均宜此法以搜六府之風通

腸胃中之氣二便自利矣

牛黃清心丸

牛黃清心實中藏痰壅神昏不語言口眼喎斜形氣盛兩手握固緊牙關
牛黃清心丸治風邪中藏之人形氣俱實其證痰涎壅塞神昏不能言語口眼
喎斜形氣滿盛兩手握固牙關緊急之閉證皆可服之

參附湯

參附湯治虛中藏腎緩涎出不語言昏不知人身偏廢五脫證見倍參煎
參附湯即人參附子也治風邪中藏之人形氣俱虛其證腎緩不收痰涎流出
神昏不語身肢偏廢或與五藏脫證並見宜大倍人參先固虛脫次治風邪可
也

千金還魂湯

經絡閉證卒中惡氣促神昏不識人無汗拘急身偏痛肉桂麻草杏還魂
經絡閉證謂風邪中經絡之閉證也氣促謂氣粗盛也無汗四肢拘急身體偏
痛乃表邪固閉宜用肉桂麻黃甘草杏仁即還魂湯以開之

奪命散



藏府閉證腹滿閉昏噤痰結在喉間危急湯藥不能下奪命巴芷半夏南
藏府閉證謂風邪中藏府之閉證也腹滿閉謂腹滿二便閉也兼之神昏口
不開結痰喉間不下宜用是方吐下之巴豆白芷半夏麝生南星也

三生飲

三生飲治中風寒厥逆沉伏涌氣痰星香烏附俱生用氣虛加參脫倍添
中風寒謂不論經絡藏府風邪中藏寒之人也厥逆謂四肢冷也沉伏謂六脈
沉伏也是方生南星生川烏生附子木香也惟寒盛氣實者宜之若氣虛者加
人參虛極將脫者大倍人參始可用之而無倒戈之害也

祛風至寶湯

祛風至寶中風熱浮數面赤熱而煩通聖加蠟天麻細白附羌獨連蘗蠶
中風熱謂不論經絡藏府風邪中府熱之人也浮數謂六脈浮數也熱而煩謂
身熱心煩也通聖謂防風通聖散方中加全蠍天麻細辛白附羌活獨活黃蘗
黃連蘗蠶也防風通聖散詳在傷寒門

青州白丸子

青州白丸中風痰喎斜癱瘓湧痰涎小兒驚痰爲妙藥白附烏星半夏丸

〔註〕

編輯新病心法要訣

中風痰謂不論經絡藏府風邪中素有痰飲之人也湧痰涎謂痰涎湧盛也是方生白附子生川烏生南星生半夏法製爲丸也

羌活愈風湯

羌活愈風治外中手足無力語出難肌肉微掣不仁用大秦芩湯參再添官桂黃耆杜防己知枳柴荷蔓菊前蒼麻半朴杞地骨調理諸風症可安〔註〕治外中謂風從外中之病也此病之來必有先兆如手足無力語言蹇澀時有肌肉微動牽掣大指次指麻木不用皆風邪外中之先兆也宜用此湯大秦芩湯參再添謂大秦芩湯方中再添人參官桂黃耆杜仲防己知母枳殼柴胡薄荷蔓荊子菊花前胡蒼朮麻黃半夏厚朴枸杞地骨皮也調理諸風症可安謂凡中風內邪將除外邪漸盡更服此藥調理以行導諸經久則大風悉去清濁自分榮衛自和矣

清熱化痰湯

清熱化痰治內發神短忽忽語失常頭眩脚軟六君麥芩連菖枳竹星香〔註〕治內發謂痰火內發之病也此病之來必有先兆如神短忽忽言語失常上盛下虛頭眩脚軟皆痰火內發之先兆也宜用此湯卽人參白朮茯苓甘草橘紅

半夏麥冬黃芩黃連石菖蒲枳實竹茹南星木香也

地黃飲子

四肢不收無痛痺偏枯身偏不用疼其言不變志不亂邪在分腠五物能甚不能言爲瘖痺奪厥入藏病多凶地黃桂附苓巴戟萸斛冬味薄菖芩〔註〕風痺偏枯瘖痺三病皆屬外中而有微甚淺深之別也風痺謂四肢不收身無痛處偏枯謂半身不遂身有痛處其言不變志不亂乃邪微淺病在分腠榮衛之間以黃耆五物湯能補榮衛而散風邪也甚者不能言志亂神昏則爲瘖痺乃腎虛內奪少陰不至而厥其邪已入於藏故曰病多凶也地黃飲子是治腎虛內奪之方是方熟地肉桂附子肉從蓉巴戟遠志山萸石斛麥冬五味子薄荷石菖蒲茯苓也

滌痰湯

滌痰內發迷心竅舌強難言參蒲星溫膽熱盛芩連入神昏便閉滾痰攻〔註〕內發謂痰火內發迷人心竅令人精神恍惚舌強難言也滌痰湯卽人參菖蒲南星合溫膽湯也溫膽湯橘紅半夏茯苓甘草竹茹枳實也熱盛加黃芩黃連大小二便閉用礞石滾痰丸攻之可也

類中風總括

類中類乎中風證尸厥中虛氣食寒火溼暑惡皆昏厥辨在喎斜偏廢間註
類中風證皆名尸厥謂形厥而氣不厥也故口鼻無氣狀類死尸而脈自動也
中虛中氣中食中寒中火中溼中暑中惡等證雖忽然昏倒人事不省類乎真
中風病但不見口眼喎斜偏廢不仁不用等證自可辨也

獨參湯 參附湯 星香湯 三物備急丹 奪命散

尸厥無氣而脈動或脈微細有無間緣於病後氣血竭人參參附星香痰氣閉
腹滿二便閉或腹急痛備急丹服後轉鳴吐下驗喉間痰結奪命先註尸厥
之證有虛有實虛者以獨參湯虛兼寒者以參附湯虛兼痰者以星香飲加人
參湯實者氣閉似死脈動有力腹滿脹二便閉或腹急痛氣閉前後不通者以
備急丹實兼痰者以奪命散

補中益氣湯 生脈補精湯

補中益氣療虛中煩勞過度氣不升虛冒有痰加苓半慾冒生麥地歸茸註
補中益氣湯治虛中之證卽李杲所云內傷氣虛之人煩勞過度清氣不升忽
然昏冒也慾冒謂因房勞過度昏冒也生脈飲卽人參麥冬五味子合熟地當歸



鹿茸名曰生脈補精也

木香調氣飲

木香調氣實氣中暴怒氣逆噤昏痰風浮肢溫氣沉冷木藿砂蔻草丁香檀註
實氣中謂形氣俱實之人中氣也因暴怒氣逆忽然昏倒噤急也風浮肢溫氣
沉冷謂中風之人脈浮手足溫中氣之人脈沉手足冷可別也是方木香藿香
砂仁白蔻甘草丁香檀香也

八味順氣散

八味順氣虛氣中標本兼施邪正安參苓朮草扶元氣烏芷青陳利氣痰註
虛氣中謂形氣俱虛之人中氣也宜用此標本兼施邪正相安之劑也

瓜蒂散 薑鹽湯

食中過飽感寒風或因怒惱塞胸中忽然昏厥肢不舉瓜蒂薑鹽探吐平註
瓜蒂散挾痰者用之薑湯挾寒者用之鹽湯過食者用之探吐謂作此湯數鍾
令病者飲一鍾隨用指探吐不吐再飲再探以吐通快爲度可立愈也

附子理中湯

附子理中療寒中腹痛拘急噤牙關有汗身寒或吐瀉附子參朮草薑乾無汗

身寒加麻細陰毒川烏用生煎嘔吐丁香吳萸入脈微欲絕倍參添〔註〕寒中
之證卽腹痛諸證者是也宜用附子理中湯若無汗加麻黃細辛陰毒加生川
烏嘔吐加丁香吳萸莢脈微欲絕倍加人參陰毒寒極也詳在傷寒心法

涼膈散

涼膈火中神昏冒梔翹苓薄荷草硝黃兼治一切胸膈熱便燥譫妄與斑狂〔註〕
火中之證卽劉完素所云七情過極五志之火內發則令人昏倒無知筋骨不
用也

香薷飲

藿香正氣散

長砂益元散

熨臍法

蒼朮白虎湯

人參白虎湯

暑中須分陰與陽陰邪無汗似寒傷壯熱心煩或嘔瀉香薷扁朴二香湯更兼
昏憤蒸蒸汗面垢喘渴證爲陽不省熨臍灌蒜水益元蒼參白虎湯〔註〕陰邪
無汗似寒傷謂暑中陰邪似傷寒頭痛身痛惡寒無汗而更壯熱心煩或嘔或
瀉也得之於受暑納涼寒外暑內宜香薷飲二香湯謂香薷飲合藿香正氣飲
詳在霍亂門若有如上之證更兼精神昏憤蒸蒸自汗面垢喘渴則爲暑中陽
邪得之於赤日長途中外皆熱初中昏憤不省者急以熱物熨臍蒜汁合水灌

之卽省繼以辰砂益元散氣實者蒼朮白虎湯氣虛者人參白虎湯選而用之可也

滲溼湯

滲溼溼中內昏冒震亨溼熱熱生痰厚味醇酒生冷水胃苓香附撫砂連〔註〕
溼中內謂溼從內生之病卽朱震亨所云溼熱生痰昏冒之證得之於傷厚味
醇酒生冷水物過節也滲溼湯卽胃苓湯加香附撫芎砂仁黃連

除溼湯

除溼陰雨溼蒸霧卧溼涉水瘴山嵐頭身重痛便溇腫羌藁升柴防朮煎〔註〕
除溼湯卽羌活藁本升麻柴胡防風蒼朮治溼因外中得之於天陰淫雨晴後
溼蒸早晨霧露及久卧溼地遠行涉水瘴氣山嵐其證頭身重痛甚而昏冒大
便溇瀉皮膚浮腫也

調氣平胃散

調氣平胃療惡中廟塚忤惡卒然昏面黑錯忘蘇合主次以木香平胃勻〔註〕
蘇合主謂中惡之病以蘇合香丸爲主也次以木香平胃勻謂以中氣木香調
氣散之方合平胃散之藥調理也

傷風總括

傷風屬肺咳聲重鼻塞噴嚏涕流清鼻淵腦熱不噴嚏濁涕穢久必鼻紅〔註〕
傷風屬肺故噴嚏也鼻淵屬腦故不噴嚏也傷風寒邪故涕清也鼻淵熱邪故
涕濁也鼻淵病久或有穢氣則熱深故腦衄鼻血也

川芎茶調散

參蘇飲治虛傷風實者茶調及頭疼芎芷薄荷羌茶細荊防痰半熱膏清〔註〕
參蘇飲方在咳嗽門治氣虛之人傷風之病若氣實者用川芎茶調散即川芎
白芷薄荷甘草羌活茶葉細辛荊芥防風傷風頭痛者亦可用也有痰者加半
夏清痰有熱者加石膏清熱可也

蒼耳散

蒼耳散治鼻淵病風熱入腦瞑頭疼涕流不止鼻塞熱蒼耳辛夷芷薄荷〔註〕
鼻淵病屬風熱入腦故目瞑而頭疼涕流不止較之傷風爲甚焉鼻塞氣不利
也熱鼻孔中熱也甚者孔熱而痛及其腦也蒼耳散即蒼耳子炒去刺研破一
兩加辛夷三錢白芷薄荷各一錢葱三莖也

黃連防風通聖散



鼻淵初病施蒼耳黃連防風久病方孔痛膽調冰硼散鼻血犀角地黃湯

〔註〕鼻

淵風熱傷腦之病初病則風邪盛故用蒼耳散以散為主久病則熱鬱深故用防風通聖散加黃連以清為主也熱氣湧涕傷其鼻孔成瘡故痛也宜以豬膽汁調冰硼散敷之熱蘊於腦傷及所過榮血故衄也宜以犀角地黃湯涼之可也

瘰癧病總括

瘰癧病項強背反張有汗為柔無汗剛生產血多過汗後潰瘡犬咬破風傷〔註〕瘰癧之證詳在傷寒心法有汗為柔瘰癧無汗為剛瘰癧產後去血過多傷寒發汗過多則為內因潰瘍破傷狗咬則為外因皆風邪乘虛入太陽經而成此病也

瘰癧病死證

瘰癧證脈散多應死反張離席一掌亡眼小目瞪昏不語額汗如珠命必傷

〔註〕

反張離席一掌謂離席四五指許也眼小謂目眦緊小也目瞪謂眼珠不轉也

葛根湯 桂枝加葛根湯 小續命湯 桂枝加附子湯 當歸補血湯

大承氣湯 桃仁承氣湯

剛瘰癧葛根湯發汗柔瘰癧桂枝加葛根若兼雜因小續命過汗桂枝加附湯傷血

桂枝合補血裏實瘀血承氣方潰瘍十全加風藥破傷狗咬另參詳〔註〕剛痙用葛根湯卽桂枝湯加麻黃葛根柔痙用桂枝加葛根湯卽桂枝湯加葛根汗之雜因謂風寒溼雜揉爲病用小續命湯隨風寒溼輕重治之過汗表虛汗出不止因而成痙用桂枝加附子湯卽桂枝湯加附子也傷血謂產後金瘡大傷血後用桂枝湯合補血湯卽當歸黃耆也裏實謂痙病腹滿二便閉以大承氣湯及產後惡露不盡少腹鞭急以桃仁承氣湯下之潰瘍去膿血過多爲風所襲者用十全大補湯加祛風之藥治之

破傷風

破傷亡血筋失養微傷風入火之端燥起白痂瘡不腫溼流污水緊牙關〔註〕破傷去血過多筋失所養經絡空虛風邪乘之爲病卽經曰風邪乘虛而入也爲風虛邪宜桂枝湯合當歸補血湯治之夫傷重出血過多而病風者常也然時有微傷淺損去血甚少風邪乘之而病者以其人素熱因風而然卽劉完素曰熱甚風搏併於經絡也爲風火邪宜防風通聖散加蠍尾治之凡此證不論虛實風毒內蘊不發於外瘡口周圍燥起白痂瘡不甚腫溼流污黑之水牙關微緊不似尋常活動皆破傷風之先兆也